

	<p>Վարչության որոշում «Բրոքերային ծառայությունների մատուցման և բրոքերային հաշիվների սպասարկման պայմանագրի» օրինակելի ձևը հաստատելու մասին</p>	<p>Կոդ: ՈՐՎ0200 – 341/L Դաս: ՀՊ Ամսաթիվ: «23» հոկտեմբեր 2024թ.</p>
---	---	--

Հավելված 1

ԲՐՈՔԵՐԱՅԻՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ԵՎ ԲՐՈՔԵՐԱՅԻՆ ՀԱՇԻՎՆԵՐԻ ՍՊԱՍԱՐԿՄԱՆ ՊԱՅՄԱՆԱԳԻՐ ԹԻՎ _____

ք. Երևան «___» _____ 20 թ.

ԱՐԱՐԱՏԲԱՆԿ բաց բաժնետիրական ընկերությունը (իրավաբանական հասցե՝ ՀՀ, ք. Երևան, 0002, Բուզանդի փողոց, 87-րդ շենք, թիվ 85), /այսուհետ՝ Բրոքեր/, ի դեմս վարչության նախագահ-գործադիր տնօրեն Մհեր Անանյանի, որը գործում է բանկի կանոնադրության հիման վրա, մի կողմից, և ----- (անձը հաստատող փաստաթուղթ՝ _____ տրված՝ ___ի կողմից, _____թ.-ին), կամ -----ը՝ ի դեմս -----ի, ով գործում է համաձայն կանոնադրության /այսուհետ՝ Հաճախորդ/, մյուս կողմից, միասին անվանվելով «Կողմեր», ղեկավարվելով ՀՀ օրենսդրությամբ, կնքեցին սույն պայմանագիրը հետևյալի մասին.

1. ՀԱՍԿԱՑՈՒԹՅՈՒՆՆԵՐ ԵՎ ՄԵԿՆԱԲԱՆՄԱՆ ԿԱՆՈՆՆԵՐ

- 1.1. Սույն պայմանագրում օգտագործվող հասկացություններն ունեն «Արժեթղթերի շուկայի մասին» ՀՀ օրենքով, այլ օրենքներով և նորմատիվ իրավական ակտերով, Բրոքերի կողմից հաստատված Բրոքերային ծառայությունների մատուցման ընթացակարգով (այսուհետ՝ Ընթացակարգ) սահմանված և դրանցում կիրառվող իմաստը, եթե այլ բան ակնհայտորեն և միանշանակորեն չի բխում կոնկրետ հասկացության կիրառման մասնավոր դեպքից: Սույն պայմանագրի դրույթները մեկնաբանելիս գերակա են Ընթացակարգով սահմանված հասկացությունները:
- 1.2. Այլ հասկացությունները, որոնք օգտագործվում են սույն պայմանագրում, սակայն սահմանված չեն սույն պայմանագրի 1.1. կետում նշված ակտերում, մեկնաբանվում են՝ հիմնվելով դրանց կիրառման գործարար շրջանառության սովորույթների և միջազգային փորձի վրա:

2. ՊԱՅՄԱՆԱԳՐԻ ԱՌԱՐԿԱՆ

- 2.1. Բրոքերը պարտավորվում է սույն պայմանագրով և Ընթացակարգով սահմանված կարգով և պայմաններով, ինչպես նաև Բրոքերի կողմից հաստատված Բրոքերային ծառայությունների մատուցման սակագներով (այսուհետ՝ Սակագներ) սահմանված վճարի դիմաց Հաճախորդին մատուցել սույն պայմանագրի 2.2. կետում նշված ծառայությունները:
- 2.2. Սույն պայմանագրի շրջանակներում Բրոքերի կողմից Հաճախորդին մատուցվում են ֆինանսական (այդ թվում՝ ածանցյալների) շուկայում բրոքերային ծառայություններ (այսուհետ նաև՝ Բրոքերային ծառայություններ կամ Ծառայություններ), մասնավորապես՝
 - 1) ընդունել Հաճախորդի հանձնարարականները՝ համաձայն Ընթացակարգի հավելված 2-ի և 3-ի, վերջինիս հաշվին Ֆինանսական գործիքներով գործարքներ կատարելու վերաբերյալ և հաղորդել դրանք ի կատարում այլ անձանց,
 - 2) Հաճախորդի հանձնարարականների հիման վրա, Հաճախորդի հաշվին, սակայն իր անունից կատարել ֆինանսական գործիքներով գործարքներ, այդ թվում՝ առաջնային տեղաբաշխմանը մասնակցելու (բաժանորդագրվելու)

գործարքներ և ածանցյալներով իրավունքների իրականացմանն ուղղված գործարքներ,

3) Հաճախորդի հանձնարարականների հիման վրա Ֆինանսական գործիքներով գործարքներ կնքել նրա հաշվին և նրա անունից, ընդ որում, Բրոքերը գործարքները կնքում է Հաճախորդի անունից այն դեպքերում, երբ նրա կարծիքով Հաճախորդի անունից գործարքի կնքումը վերջինիս համար ապահովում է առավել բարենպաստ պայմաններ և թույլատրված է առևտրային համակարգի (այսուհետ՝ ԱՀ) կանոններով, ինչպես նաև ոչ բավարար ծածկույթով (մարժինայ) գործարքներ կնքելիս,

4) իրականացնում է սույն կետի 1-ից 3-րդ ենթակետերում նշված ծառայությունների համար անհրաժեշտ վերջնահաշվարկի համար անհրաժեշտ գործողություններ՝ Հաճախորդի հաշվից փոխանցելով և հաշվին մուտքագրելով գործարքների կատարման համար պահանջվող և դրանց արդյունքում ստացվող միջոցները՝ Ընթացակարգում նշված պայմաններով և կարգով,

5) Հաճախորդին տրամադրում է հաշվետվություններ իր կողմից կատարված գործարքների վերաբերյալ, ինչպես նաև իր կողմից Հաճախորդից ընդունված և ի կատարում փոխանցված հանձնարարականներով այլ անձանց կողմից կատարված գործարքներով միջոցների շարժի վերաբերյալ:

2.3. Հաճախորդը մատուցված ծառայությունների դիմաց Բրոքերին վճարում է Սակագների համապատասխան:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

3.1. Հաճախորդը պարտավորվում է բարեխղճորեն և պատշաճ կարգով վճարել մատուցված Ծառայությունների դիմաց՝ սույն պայմանագրով սահմանված կարգով և Սակագներում սահմանված սակագներին համապատասխան, ինչպես նաև հատուցել Բրոքերից համապատասխան գործարքի կնքման համար համապատասխան ԱՀ-ների և Գործակալների կողմից գանձվող ծախսերը (բացառությամբ գործարքի կնքման համար Գործակալներին վճարվող սովորական մշտական միջնորդավճարների):

3.2. Բրոքերը պարտավորվում է բարեխղճորեն և պատշաճ կերպով մատուցել սույն պայմանագրի Ծառայությունները՝ պահպանելով ՀՀ օրենսդրությամբ սահմանված իր պարտականություններին վերաբերող իմպերատիվ կանոնները:

3.3. Կողմերը պարտավորվում են բարեխղճորեն համագործակցել սույն պայմանագրի կատարման շրջանակներում:

3.4. Եթե պրոֆեսիոնալ համարվող Հաճախորդը կարծում է, որ ի վիճակի չէ գնահատել և կառավարել ներդրումային ծառայություններից կամ ներդրումներից բխող ռիսկերը, պրոֆեսիոնալ Հաճախորդի պարտավորությունն է դիմել Բրոքերին՝ իրեն որպես ոչ պրոֆեսիոնալ հաճախորդ վերաբերվելու համար, ինչը հնարավորություն կտա օգտվել ոչ պրոֆեսիոնալ հաճախորդների պաշտպանությանն ուղղված օրենսդրական պահանջներից:

4. ԵՐԱՇԽԻՔՆԵՐ ԵՎ ՀԱՎԱՍՏԻԱՑՈՒՄՆԵՐ

4.1. Հաճախորդը հայտարարում և հավաստիացնում է, որ՝

1) ինքն իր գրանցման (քաղաքացիության) երկրի օրենսդրության համաձայն պատշաճ իրավունակությամբ և գործունակությամբ օժտված անձ է և իրավասու է կնքել սույն պայմանագիրը,

2) սույն պայմանագիրը ստորագրող անձինք (իրավաբանական անձի դեպքում) իրավասու են ստորագրել այն Հաճախորդի անունից համաձայն օրենսդրության և Հաճախորդի ներքին իրավական ակտերի և այդպիսի ստորագրությամբ Հաճախորդի համար ստեղծել իրավական ուժ ունեցող պարտականություններ,

3) Հաճախորդի՝ սույն պայմանագրի շրջանակներում Բրոքերի կողմից գործարք կնքելու համար օգտագործվող և ստացվող միջոցները (արժեթղթերը և/կամ դրամը) ծանրաբեռնված չեն երրորդ անձանց իրավունքներով և ստացվել են օրինական աղբյուրներից,

4) Հաճախորդը պատշաճ կերպով ծանոթացել է սույն պայմանագրին, Ընթացակարգին, Սակագներին և այլ փաստաթղթերին, չունի դրանց հետ կապված որևէ հարց, առաջարկություն, դրանց բովանդակությունը իրեն լրացուցիչ բացատրելու կարիք չունի և լիարժեքորեն գիտակցում է այն,

5) համաձայն է, որ սույն պայմանագրով իրեն մատուցված ծառայությունների դիմաց վճարները և ծառայությունները մատուցելու համար Բրոքերի կրած այլ ծախսերը անակցեպատ կարգով Բրոքերի կողմից գանձվեն Բրոքերային հաշվից, Բրոքերի մոտ բացված և սպասարկվող բանկային հաշիվներից, ինչպես նաև Հաճախորդի բանկային այլ հաշիվներից:

4.1.1 Սույնով Հաճախորդը տալիս է իր անհետկանչելի և անառարկելի համաձայնությունը և հանձնարարականը, որ սույն պայմանագրի շրջանակներում իրեն մատուցվող Բրոքերային ծառայությունների ընթացքում Բրոքերի կողմից Հաճախորդի հաշվին կնքվող գործարքների համար անհրաժեշտ դրամական միջոցները Հաճախորդի հանձնարարականում նշված հաշվից ելքագրվեն և փոխանցվեն Բրոքերի տարանցիկ հաշվին՝ ապահովելով Բրոքերի դրամական հաշվին համապատասխան մուտքի համալրումը:

4.2 Բրոքերը երաշխավորում է, որ՝

1) պատշաճ իրավունակությամբ և գործունակությամբ օժտված անձ է և իրավասու է կնքել սույն պայմանագիրը,

2) ունի բրոքերային ծառայություններ մատուցելու համար անհրաժեշտ լիցենզիաները և թույլտվությունները,

3) Բրոքերի անունից սույն պայմանագիրը ստորագրող անձինք իրավասու են ստորագրել այն և այդպիսով Բրոքերի համար ստեղծել սույն պայմանագրից բխող պարտավորությունները:

5. ՀԱՃԱԽՈՐԴԻ ՄԻՋՈՑՆԵՐԻ ՀԱՇՎԱՌՈՒՄԸ

5.1. Հաճախորդի միջոցները հաշվառվում են սույն պայմանագրով, իսկ արժեթղթերով գործարքների կատարման դեպքում նաև Բրոքերի և Հաճախորդի միջև _____թ. կնքված Պահառության ծառայությունների մատուցման պայմանագրով (այսուհետ՝ Պահառության պայմանագիր) սահմանված կարգով:

5.2. Հաճախորդի՝ ծառայությունների մատուցման նպատակով օգտագործվող և այդպիսի մատուցման արդյունքում կնքված գործարքների արդյունքում ստացված դրամական միջոցների հաշվառման նպատակով Բրոքերը Հաճախորդի համար անհրաժեշտության դեպքում բացում է բրոքերային հաշիվներ առանձին արժույթներով՝ Բրոքերի կողմից սահմանված հաշիվների բացման, վարման և փակման կարգին համապատասխան:

5.3. Բրոքերային հաշվով գործառնությունների իրականացման կարգը, պայմանները, առանձնահատկությունները և սահմանափակումները սահմանվում են Ընթացակարգով:

5.4. Հաճախորդի՝ Ծառայությունների մատուցման ընթացքում օգտագործվող և դրանց արդյունքում ստացված արժեթղթերը Բրոքերը հաշվառում է արժեթղթերի հաշիվների վրա՝ Պահառության պայմանագրին և Ընթացակարգին համապատասխան:

6. ԿԱՊԻ ՏՎՅԱԼՆԵՐ ԵՎ ՊԱՏԱՍԽԱՆԱՏՈՒ ԱՆՁԻՆՔ

- 6.1. Սույն պայմանագրի շրջանակներում Կողմերի միջև տեղեկատվության ցանկացած փոխանակում, հաղորդագրություն, փաստաթղթերի ներկայացում, փոխանցում, փոխանակում համարվում է պատշաճ կերպով իրականացված, եթե փաստաթուղթն առաքվել է հետևյալ հասցեներով՝
- 1) Բրոքերի համար՝ ք. Երևան, 0002, Բուզանդի փողոց 87-րդ շենք, թիվ 85, էլ. փոստ՝ Investment Banking ARARATBANK/ARARAT/CBANet, brokerage@araratbank.am, հեռ՝ +374 10 592323,
- 2) Հաճախորդի համար -----:
- 6.2. Կողմերը սույնով հավաստում են, որ սույն պայմանագրի 6.1 կետում նշված հասցեներով առաքված հաղորդագրությունը համարվում է պատշաճ կերպով առաքված՝ կապի հուսալի միջոցներով: Կողմերի համար միմյանց միջև կապ հաստատելու և տեղեկատվություն փոխանակելու համար հուսալի միջոցներ են համարվում Ընթացակարգում նշված կապի միջոցները:
- 6.3. Ընթացակարգում նշված հաշվետվությունները Բրոքերը Հաճախորդին ներկայացնում է՝ հայերեն անգլերեն ռուսերեն լեզվով:
- 6.4. Սույն պայմանագրի շրջանակներում Բրոքերի հետ Հաճախորդի հարաբերությունների համար պատասխանատու և իրավասու լիազորված անձ է հանդիսանում Ներդրումային բանկային ծառայությունների վարչության պետը: Հաճախորդը սույն պայմանագիրը կնքելուց հետո 2 օրվա ընթացքում Բրոքերին է ներկայացնում նշված անձի անձնական տվյալները (անձնագրի տվյալները) և իրավաբանական անձի գործադիր մարմնի հաստատմամբ՝ ստորագրությամբ և կնիքով հաստատված (իրավաբանական անձի դեպքում) կամ նոտարի կողմից հաստատված (ֆիզիկական անձ Հաճախորդի դեպքում)՝ իրավասու/լիազորված անձի (անձանց) ստորագրության նմուշները: Նշված անձի փոփոխության կամ նոր իրավասու/լիազորված անձի ավելացման դեպքում Հաճախորդը պարտավոր է գրավոր ծանուցել Բրոքերին իր նոր կամ հավելյալ լիազորված անձի վերաբերյալ նշելով, որ վերջինս հանդիսանալու է Հաճախորդի լիազորված իրավասու անձը՝ ներկայացնելով վերջինիս՝ սույն կետով սահմանված կարգով վավերացված ստորագրության նմուշները: Լիազորված անձը Հաճախորդի անունից իրավասու է հանդես գալ սույն պայմանագրի շրջանակներում որևէ գործողություն կատարելու համար միայն պատշաճ ձևակերպված (ֆիզիկական անձ Հաճախորդի դեպքում՝ նոտարական վավերացմամբ) լիազորագրի հիման վրա, որը պետք է ներկայացվի Բրոքերին, այլապես նշված անձը Բրոքերի կողմից Հաճախորդի լիազորված ներկայացուցիչ չի համարվի:
- 6.5. Սույն պայմանագրի 6.4 կետը չի կիրառվում, եթե Հաճախորդը ֆիզիկական անձ է և ինքն է հանդես գալիս որպես պատասխանատու/իրավասու անձ Բրոքերի հետ հարաբերություններում կամ, իրավաբանական անձ Հաճախորդի դեպքում, վերջինիս անունից հանդես է գալիս տնօրենը/գործադիր իրավասու մարմինը:
- 6.6. Սույն պայմանագրի շրջանակներում Բրոքերի հետ հաղորդակցության նպատակներով Հաճախորդի նույնականացման համար Հաճախորդին կարող է շնորհվել անհատական ծածկագիր՝ ստանալու մասին ստորագրությամբ:

7. ՎԵՃԵՐԻ ԼՈՒԾՈՒՄ ԵՎ ԿԻՐԱՌՎՈՂ ԻՐԱՎՈՒՆՔԸ

- 7.1. Կողմերի միջև սույն պայմանագրի գործողության կապակցությամբ առաջացած վեճերը ենթակա են լուծման բանակցությունների միջոցով, իսկ 10 օրվա ընթացքում լուծման չգալու դեպքում՝ ՀՀ դատարանների կողմից՝ ՀՀ օրենսդրությամբ սահմանված կարգով: Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԱՅԼ ԴՐՈՒՅԹՆԵՐ

- 8.1. Սույն պայմանագիրն ուժի մեջ է մտնում ստորագրման/կնքման պահից և գործում է անորոշ ժամկետով՝ մինչև սույն պայմանագրով կամ օրենքով սահմանված հիմքերով դրա գործողության դադարումը: Բոլոր դեպքերում, սակայն, պայմանագիրը շարունակում է գործել ընդհուպ մինչև սույն պայմանագրով Կողմերի ստանձնած պարտավորությունների և պարտականությունների լրիվ և պատշաճ կատարումը:
- 8.2. Սույն պայմանագիրը Կողմերից յուրաքանչյուրի նախաձեռնությամբ կարող է լուծվել մյուս Կողմին այդ մասին առնվազն 10 օր առաջ գրավոր ծանուցելու պայմանով:
- 8.3. Սույն պայմանագրի լուծման դեպքում Բրոքերն ապահովում է Հաճախորդի դրամական միջոցների վերադարձը վերջինիս՝ այդ միջոցները փոխանցելով Հաճախորդի կողմից նշված հաշիվներին՝ օրենքով սահմանված ժամկետներում, իսկ արժեթղթերը Հաճախորդի ընտրությամբ՝ կամ շարունակվում են հաշվառվել Բրոքերի մոտ վարվող արժեթղթերի հաշվում՝ Պահառության պայմանագրին համապատասխան, կամ փոխանցվում են Հաճախորդի նշած արժեթղթերի հաշվին, կամ օրենքով սահմանված կարգով՝ հանձնարարականի հիման վրա իրացվում են շուկայում և վերաձվում դրամական միջոցների, որոնք վերադարձվում են Հաճախորդին համաձայն սույն կետին: Սույն կետում նշված հանձնարարականը Հաճախորդը պարտավոր է տալ սույն պայմանագրի լուծումից կամ այլ հիմքով դադարումից առնվազն 2 օր առաջ և վճարել այդ հանձնարարականի կատարման համար: Հանձնարարականը չներկայացնելու դեպքում արժեթղթերը իրացվում են դրանց շուկայական իրացվելի գնով և ստացված գումարները փոխանցվում են Հաճախորդի՝ սույն պայմանագրում նշված ընթացիկ բանկային հաշվին:
- 8.4. Եթե սույն պայմանագիրը լուծվել է Հաճախորդի նախաձեռնությամբ, վերջինս պարտավոր է հատուցել Բրոքերին դրա լուծման հետևանքով սույն պայմանագրի 8.3 կետի համաձայն անհրաժեշտ դարձած գործողությունների հետ կապված ծախսերը:
- 8.5. Սույն պայմանագրի բոլոր փոփոխությունները և լրացումները կատարվում են գրավոր ձևով Կողմերի համաձայնությամբ, բացառությամբ Սակագների և Ընթացակարգի փոփոխությունների և լրացումների, որոնք կատարվում են Բրոքերի կողմից միակողմանիորեն: Հաճախորդի համար Բրոքերի միակողմանի փոփոխությունները և լրացումները ուժի մեջ են մտնում այդպիսի փոփոխությունների և լրացումների մասին Հաճախորդին գրավոր ծանուցումը ստանալու օրվանից 20 օր հետո: Գրավոր ձևը համարվում է պահպանված, նաև եթե համապատասխան փոփոխության վերաբերյալ ծանուցումը (փոփոխության տեքստը ներառող տեքստը) ուղարկվել է Հաճախորդին՝ սույն պայմանագրում նշված էլեկտրոնային հասցեով, ընդ որում նշված դեպքում փոփոխությունն ուժի մեջ է մտնում այն ուղարկելու պահից 20 օր հետո:
- 8.6. Կողմերը սույն պայմանագրով նախատեսված պարտավորությունների չկատարման կամ ոչ պատշաճ կատարման համար պատասխանատվություն են կրում ՀՀ օրենսդրությամբ սահմանված կարգով:
- 8.7. Սույն պայմանագիրը կազմված է 2 օրինակից, յուրաքանչյուր Կողմին մեկական օրինակ՝ օժտված հավասարազոր իրավաբանական ուժով:

9. ԿՈՂՄԵՐԻ ՀԱՅՅԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ԲՐՈՔԵՐ	ՀԱՃԱԽՈՐԴ
ԱՐԱՐԱՏԲԱՆԿ ԲԲԸ ՀՎՀՀ 02500518 Հ/Ը 103002101519 ՀՀ ԿԲ	----- Հասցե՝ -----

<p>ՀՀ, 0002, ք. Երևան, Բուզանդի փողոց 87-րդ շենք, թիվ 85 Էլ. հասցե. brokerage@araratbank.am, Investment Banking ARARATBANK/ARARAT/CBANet, Վարչության նախագահ-գործադիր տնօրեն՝ Մհեր Անանյան</p> <p>Կ. Տ. _____</p>	<p>անձը հաստատող փաստաթուղթ -----, տրված ---ի կողմից, -----թ-ին. ՀԾՀ՝ ----- կամ ՀՎՀՀ Էլ.փոստ՝ ----- Հեռ.՝ -----</p> <p>_____</p>
---	---